

2021-mut Nunatta Karsiata naatsorsuutaasa akuersissutigineqarnissaannik siunnersuut
(Aningaasaqarnermut Naligiissitaanermullu Naalakkersuisoq)

Saqqummiussissut

(Aningaasaqarnermut Naligiissitaanermullu Naalakkersuisoq)

Siullermeerinnineq

Matumuuna Naalakkersuisut sinnerlugit ukiumut aningaasaqarnermut inatsiseqarfiusumut 2021-mut Nunatta Karsiata Naatsorsuutai saqqummiuppakka.

2021-mut naatsorsuutit Namminersorlutik Oqartussat kukkunersuiusunit avataaneersunit nangaanartortaqaanngitsumik oqaaseqarfigineqarput. Ukiut siulii assigalugit immikkoortuni arlalialunni allaffissorpeq suli nukittorsarneqarsinnaasoq kukkunersuiusup erseqqissaatigaa, tamannalu Naalakkersuisut isumaqatigaat.

2021 ukiup siulia assigalugu coronamut akiuinarluni suliniutinik ingerlatsiffiuvoq. Tamanna nappaatip nunarsuarmi tamarmi siaruaannera akiorniarlugu pinaveersaartitsinermit immikkut ittumik aningaasartuuteqarfiuvoq, pilersaarutillu suliniutillu amerlasuut kinguartinneqarlutilluunniit taamaatiinnarneqarput. Tamanna aamma Nunatta Karsiata Naatsorsuutaanut soorunami sunniuteqarpoq.

Nunatta Karsiata Naatsorsuutai 2021-mi ingerlatsinermit, sanaartornermit taarsigassarsinermilu; IST-mik taaneqartumik 140 mio. kr.-nik amigartooruteqarfiupput, ilassutitullu aningaasaliissutit ilanngullugit 215 mio. kr.-nik amigartooruteqarnissaq missingersuutigineqarsimavoq. Tassa katillugit 75 mio. kr.-nik pitsanngoriaateqartoqarpoq.

Ingerlatsinermit sanaartornermilu angusat, IS-ip taaneqartumik, kisiisa naatsorsoraanni, naatsorsuutit 150 mio. kr.-nik amigartooruteqarfiupput, ilassutitullu aningaasaliissutit ilanngullugit 225 mio. kr.-nik amigartooruteqarnissaq missingersuutigineqarsimavoq. Tassa katillugit 75 mio. kr.-nik pitsanngoriaateqartoqarpoq.

Nunatta Karsiata isertitaasa aningaasanut inatsimmi kingornalu ilassutit aningaasaliissutini tunngavigineqartunit 49 mio. kr.-nik pitsaanerunerat inernerup ersersippaa. Allanguut pingaarnertut nuna tamakkerlugu akileraarutip, nuna tamakkerlugu immikkut akileraarutip, ingerlatseqatigiiffiit akileraarutaata, kiisalu toqqaannanngitsumik akileraarutit ilimagisamit qaffasinnerunerannik patsiseqarpoq.

Ingerlatsinermit aningaasartuutit nalinginnaasut aningaasaliissutinit 88 mio. kr.-nik imaluunniit 2,8 procentinik aningaasanut inatsimmut kingornalu ilassutit aningaasaliissutinit

sanilliullugu qaffasinnerupput. Ingerlatsinermi aningaasartuutini ataatsimut atuineruneg pingaarnertut covid-19 tunuliaqutaralugu immikkut ittumik suliniutinik patsiseqarpoq.

Akerlianik inatsisit tunngavigalugit aningaasaliissutit tapiissutinullu aningaasaliissutit aningaasanut inatsimmut kingornalu ilassutitut aningasaliissutinut sanilliullugu atuinikiffiunerupput.

Sanaartugassanut aningaasaliissutit ataatsimut isigalugu aningaasaliissutinut naapertuupput.

2021-mi Sanaartornermut Iluarsartuussisarnermullu Aningaasaateqarfimmi uninngasuutit 84 mio. kr.-nik appariarput. Tassunga tunngasumik paasissutissanut erseqqinnerusunut immikkut sanaartornermik nassuiaat innersuussutigineqarpoq.

2020-mut Nunatta Karsiata Naatsorsuutaasa akuersissutigineqarnissaannut siunnersuutip Kukkuersiunermit Ataatsimiititaliamut suliarineqartussanngorlugu innersuunneqarnissaa siunnersuutigineqarpoq.

Naatsorsuutit saniatigut Kukkuersiunermit Ataatsimiititaliap kukkuersiunermit nalunaarusiamik, kukkuersiuisut avataaneersut suliaannik tigusaqassaaq. Naalackersuisut ukiut siuliini pisartut assigalugit, ataatsimiititaliap nalunaarusiami kaammattuutit oqaaseqaatigineqartullu pillugit apeqqutigisinnaasai allakkatigut akissavaat, taamaalilluni taakku ataatsimiititaliap isumaliutissiissutissaanut ilanngunneqarsinnaaqqullugit.

Naalackersuisut 2021-mut Nunatta Karsiata Naatsorsuutai pillugit Kukkuersiunermit Ataatsimiititaliamik oqaloqateqarnissartik qilanaaraat, ataatsimiititaliarlu sulilluarnissaanik kissaallugu.

Taama oqaaseqarlunga Naalackersuisut sinnerlugit 2021-mut Nunatta Karsiata Naatsorsuutai Inatsisartunut suliarineqartussanngortippakka.